

原律

律例根原卷之九十八

詐假官

凡偽造詐為假官及為偽割或將有故官員文憑而假與人官

者斬監候其知情受假官者杖一百流三千里

須有割付文憑方坐但憑割皆係與者所造故減等不知者不坐○若

無官而不曾假造詐稱有官有所求為或詐

稱官司差遣而捕人及詐冒見官員姓名所有

求者杖一百徒三年以上三項總重有所為求若詐稱見

任官子孫弟姪家人總領於按臨部內有所

求爲者杖一百爲從者各減一等若得財者

並計贓各主者以主爲重准竊盜免從重論贓輕以詐科罪

○其當該官司知而聽行與同罪不知者不坐

臣等謹按此重懲假冒官職之罪以杜姦偽也首節定假官之罪自己本無官職或偽造憑劄或冒領他人憑劄而頂名赴任謂之詐假官他人本無官職而偽造憑劄或將有故官員憑劄與之使彼承領赴任

謂之假與人官並坐斬知情而受假官者杖流二節定詐稱之罪本無官而詐稱有官或詐稱官員差遣而追捕或詐冒見任官員姓名三項總重有所求爲並坐杖徒若詐稱見任官員子孫弟姪家人總領人等於按臨部內有所求爲者滿杖爲從各減一等以上凡有所求爲而得財者計贓准竊盜從重論三節通承上言當該官司知其假詐而聽從有所施行者同罪不知

者不坐至無官詐稱有官如無所求爲而止擅用冠帶者問違

制

原條例

一廣西雲貴湖廣四川等處但有冒籍生員食糧起貢到部者問革發原籍爲民若買到土人倒過所司起送公文頂名赴部投考者發邊外爲民賣與者行所在官司追贓治罪若已受職比依詐假官律處斬賣者發邊衛充

軍經該官吏朦朧起送各治以罪

原擬冒籍起貢已載貢舉非人條下且今直隸各省有冒籍取中生貢者俱行問革不分別省分遠近又貢生俱已停止到部應將前一段刪去其買到土人一段亦應刪改謹擬刪改開載於後

原改條例

一凡買到土人倒過所司起送公文頂名赴部者發邊外爲民賣與者行所在官司追贓治

罪若已受職比依詐假官律處斬賣者發邊衛充軍經該官吏朦朧起送各治以罪

原條例

一凡詐冒

皇親族屬姻黨家人在京在外巧立名色挾騙財物侵占地土並有禁山場攔當船隻捐要銀兩出入大小衙門囑托公事販賣制錢私鹽包攬錢糧假稱織造私開牙行擅搭橋梁侵漁民利者除實犯死罪外徒罪以上俱於所

犯地方枷號一個月發邊衛充軍杖罪以下

亦枷號一個月發落若被害之人赴所在官

司告訴不即受理及雖受理觀望逢迎不即

問斷舉奉者各治以罪

此實犯死罪係詐冒假勢凌虐故殺鬪殺

私鹽拒捕之類

原條例

一假充大臣及近侍官員家人名目豪橫鄉村生事害民强占田土房屋招集流移住種者許所在官司拏問犯該徒罪以上者發邊衛

充軍杖罪以下枷號一箇月發落

等謹按康熙五十七年八月內兵部會
覆假冒營兵擾民事理類於此律謹擬節
錄於後

續增現行例

一凡各省各營有不食錢糧冒充營兵生事擾
民及合夥挾制官司擾害地方者該地方官
審明分別首從照光棍例治罪若係食糧兵
丁亦照此例治罪如該管專汛官不嚴行稽

查兼轄統轄官不轉報提鎮不題奏俱交該
部照例分別議處地方文武知情不報該管
道府不轉報督撫不題奏亦俱交該部照例
分別議處該督撫提鎮每年仍具有無此等
之人印結於年終保奏

原律

詐假官

凡

偽造憑劄

詐為

假官

及為偽劄或將有故官員文憑而

假與人官

者斬監其知情受假官者杖一百流三千里

須有劄付文憑方坐但憑劄皆係與者所造故減等

不知者不坐○若

無官而

憑劄但

詐稱有官有所求為或詐

稱官司差遣而捕人及詐冒

見官員姓名所有

求者杖一百徒三年

以上三項總重有所為求

若詐稱見

任官子孫弟姪家人總領於按臨部內有所

求爲者杖一百爲從者各減一等若得財者並計贓各主首以准竊盜免從重論贓輕以○其當該官司知而聽行與同罪不知者不坐

條例

一吏部議覆河道總督齊蘇勒具題監生火政升等假冒州同一案奉

旨監生火政升陳琦假冒州同職銜効力河工希圖補用今經敗露該部引無官而詐稱有官有所求

爲之例將火政升陳琦擬以杖徒援赦寬免具題失大小官職皆國家名器所關假冒之人欺君罔上盜竊名器其罪較十惡不赦者亦不爲輕理應不准援赦况此等之人若僥倖得官是其出身先已不正何以爲地方百姓之表率且狡詐性成罔知信義必至於貪贓壞法無所不爲其弊不可枚舉若但擬以杖徒不足示懲火政升陳琦著發邊衛充軍不准援赦向後除僞造憑劄詐爲假官等情仍照定例應斬外其有假冒官職者俱照火政

升陳琦之例充發不准援赦永遠遵行目今見在各省官員雜職內若有假冒頂替之人着本人自行出首朕開恩免其治罪但令革退回籍倘仍復戀職潛藏不遵旨出首將來或被糾奏或被告發則於邊衛充軍之外加等治罪着通行直省督撫遍諭所屬官員人等知之餘依議

臣等謹按此條係欽奉

上諭今恭纂爲例以便引用謹將改輯例文開列於後

修改

一凡假冒官職者發邊衛充軍不准援

赦如雜職內有假冒頂替之人自行出首者革退回

籍免其治罪

條例

一凡買他人起送赴考赴選之公文頂名赴部者發邊外爲民賣與者行所在官司追贓治罪若已受職比依詐假官律處斬賣者發邊衛充軍若經該官吏朦朧起送各治以罪

一凡詐冒

皇親族屬姻黨家人在京在外巧立各色挾騙財物
侵占地土並有禁山場攔當船隻捐要銀兩
出入大小衙門囑托公事販賣制錢私鹽包
攬錢糧假稱織造私開牙行擅搭橋梁侵漁
民利者除實犯死罪外徒罪以上俱於所犯
地方枷號一個月發邊衛充軍杖罪以下亦
枷號一個月發落若被害之人赴所在官司
告訴不即受理及雖受理觀望逢迎不即問

斷舉奏者各治以罪
此實犯死罪係詐冒作勢凌虐故殺鬪殺私鹽

拒捕之類

臣等謹按小許內詐冒假勢凌虐故殺鬪
殺私鹽拒捕之類等語應移入除實犯死
罪下謹將移改例註開列於後

移改

一凡詐冒

皇親族屬姻黨家人在京在外巧立各色挾騙財物
侵占地土並有禁山場攔當船隻捐要銀兩

出入大小衙門囑托公事販賣制錢私鹽包

攬錢糧假稱織造私開牙行擅搭橋梁侵漁

民利者除實犯死罪

如詐冒假勢凌虐故殺
國殺私鹽拒捕之類

外徒罪以上俱於所犯地方枷號一個月發

邊衛充軍杖罪以下亦枷號一個月發落若

被害之人赴所在官司告訴不即受理及雖

受理觀望逢迎不即問斷舉奏者各治以罪

原例

一假充大臣及近侍官員家人名目豪橫鄉村

生事害民強占田土房屋招集流移住種者
許所在官司拿問犯該徒罪以上者發邊衛
充軍杖罪以下枷號一箇月發落

凡各省各營有不食錢糧假冒營兵生事擾
民及合夥挾制官司擾害地方者該地方官
審明分別首從照光棍例治罪若係食糧兵
丁亦照此例治罪如該管專汛官不嚴行稽
查兼轄統轄官不轉報提鎮不題奏俱交該
部照例分別議處地方文職知情不報該管

道府不轉報督撫不題叅俱交該部分別議處該督撫提鎮每年仍具有無此等之人印結於年底保奏

由等謹按兵丁生事擾民爲害地方應按其犯事之輕重各照律例問擬若概照光棍例治罪必至失宜應改至該管文武各官地方大吏不行查報題叅均有處分其督撫提鎮每年出具印結於年底保奏等語事屬煩瑣應刪謹將刪改例文開列於

後

修改

一凡各省各營食糧兵丁并有不食錢糧假冒營兵生事擾民及合夥挾制官司擾害地方者該地方官審明分別首從各照律例定擬如該管文武各官不行稽查轉報督撫提鎮不題叅俱交該部照例分別議處

續纂

一偽造憑劄自爲假官者偽造憑劄並將有故

官員憑劄賣與他人者及買受憑劄冒名赴任者俱擬絞監候知情說合者杖一百流三千里

一凡無官而詐稱有官并冒稱現任官員姓名並未造有憑劄止於圖騙一人圖成一事犯該徒罪以下者發邊衛充軍犯該軍流遣罪者擬絞監候

一假冒頂帶自稱職官止圖鄉里光榮無所求為亦無憑劄者杖六十徒一年假冒生監頂

帶者杖一百

臣等謹按此三條係乾隆二十四年九月

內臣部遵

旨議奏條例應纂輯以便遵行

修改

一凡雜職內有假冒頂替之人自行出首者革退回籍免其治罪

臣等謹按原例內有假冒官職發邊衛充軍不准援

赦等語查新例偽造憑劄自爲假官者擬斬監候其無官而詐稱有官並未造有憑劄者犯該徒流軍遣分別充軍絞候若假冒頂帶無所求爲者杖六十徒一年已各有專條擬合將原例內假冒官職發邊衛充軍不准援

赦等句刪去

續纂

一凡未經考職書吏冒戴頂帽者照假冒官職

例杖六十徒一年其有把持公事別情仍照本條按例從重究擬本管官及地方官失於查察或有意故縱分別議處

臣等謹按此條係乾隆二十八年八月內山東按察使閔鶚元條奏定例應纂輯遵行

刪除

一凡買他人起送赴考赴選之公文頂名赴部者發邊外爲民賣與者行所在官司追贓治

罪若已受職比依詐假官律處斬賣者發邊
衛充軍若經該官吏朦朧起送各治以罪

臣等謹按比引條例內開考職貢監生假
冒頂替者此照詐假官律治罪又例載將
有故官員憑劄賣與他人及買受冒名赴
任者俱擬斬監候此條買人赴考公文即
係考職一項赴選雖未到任但既已買受
到部即係假官頂替俱應照律擬斬賣與
之人新例與買受者一體問擬並不減等

擬軍此條係舊例業已不行應刪

詐假官

原例

一凡無官而詐稱有官并冒稱現任官員姓名並未造有憑劄止於圖騙一人圖行一事犯該徒罪以下者發近邊充軍犯該軍流遣罪者擬絞監候

一假冒頂帶自稱職官止圖鄉里光榮無所求爲亦無憑劄者杖六十徒一年假冒生監頂帶者杖一百

臣等謹按以上二條係詐稱職官假冒頂帶分別治罪之例前條例內既稱犯該徒罪以下擬軍犯該軍流遣罪擬絞則無論其所騙幾人所行幾事只視其所犯罪名分別定擬例內明言止於一人一事設遇被騙者或係二人以上所行者或不止一事拘泥例文殊難引用查律內凡稱但字者如但得財之類但係舉輕以賅重應將止於二字改爲但係二字以昭賅備至後

條假冒頂帶止圖光榮與前條詐稱職官事理相類應修併一條以省繁冗謹將修併例文開列於後

修併

一凡無官而詐稱有官并冒稱現任官員姓名並未造有憑劄止於圖騙一人圖行一事犯該徒罪以下者發近邊充軍犯該軍流遣罪者擬絞監候若假冒頂帶自稱職官止圖鄉里光榮無所求爲亦無憑劄者杖六十徒一

年假冒生監頂帶者杖一百

原律

詐稱內使等官

官與事俱詐

凡詐稱內使

近臣

內閣六科六部都察院監察

御史按察司官在外體察事務欺誑官府煽

惑人民者

雖無偽造劄付

斬監知情隨行者減一等

杖一百流三千里

其當該官司知而聽行與同罪

杖一百流三千里

不知者不坐

○若

本無詐稱使臣

詐稱使臣

乘驛者杖一百流三千里為從者減一等驛

官知而應付者與同罪不知情失盤詰者笞

五十其有符驗而應付者不坐符驗係偽造有偽造符驗

律係盜者依盜符驗律

臣等謹按此重懲假勢要以欺官民之罪也前節定詐稱體訪之罪凡詐稱內使近臣風憲等官在外體察事務欺誑官府煽惑人民重干法紀故坐斬監候知情而隨從同行者減一等其當該官司知而聽行者與犯人同罪不知者不坐後節定詐稱乘驛之罪詐稱使臣乘驛為首者坐滿流

同行乘驛之為從者減一等驛官知情而應付者與同罪失於盤詰而應付者笞五十如詐稱之人賁有偽冒符驗驛官不敢盤詰因而應付者不坐

原條例

一凡詐冒內官親屬家人等項名色恐嚇官司誑騙財物者除實犯死罪外其餘枷號一個月發邊衛充軍所在官司畏徇故縱不行擒拏者各治以罪

故殺死之類

原擬律內詐稱使臣乘驛驛官知而應付者罪不至死應刪去小註詐爲應付句

原條例

一凡詐充鑾儀衛旗校假以差遣體訪事情緝捕盜賊爲由占宿公館妄拿平人嚇取財物擾害軍民者除實犯死罪外徒罪以上枷號一箇月發落所在官司阿從故縱者各治以罪此實

犯死罪或假差遣有偽造印信批文或以捕搶檢傷人或嚇騙忿爭毆故殺人之類

原擬今無差遣鑾儀衛旗校刷體訪緝捕之處應將鑾儀衛旗校字改爲各衙門人役

現行例

一凡王爺阿哥等差人賞賜督撫等官衣服等物該督撫奏

聞如惡棍在外省指稱王爺阿哥向官員取用夫船誑騙財物地方官卽行報獲報明督撫照光棍律卽行正法若地方官不詳報上司私自

應付夫馬革職交與刑部嚴審治罪該督撫等官隱匿不奏照徇庇例降二級調用

臣等謹按此條類於詐稱內使等官律應應增入條例後

原律

詐稱內使等官

官與事俱詐

凡憑空詐稱內使臣內閣六科六部都察院監察

御史按察使官在外體察事務欺詐官府煽

惑人民者

雖無偽造劄付

斬監候知情隨行者減一等

杖一百流三千里

其當該官司知而聽行與同罪

罪

杖一百流三千里

不知者不坐○若符驗詐稱使臣

乘驛者杖一百流三千里為從者減一等驛

官知而應付者與同罪不知情失盤詰者笞

五十其有符驗而應付者不坐符驗係偽造有偽造律係

盜者依盜符驗律

條例

一凡詐冒內官親屬家人等項名色恐嚇官司誑騙財物者除實犯死罪外其餘枷號一個月發邊衛充軍所在官司畏狗故縱不行擒拏者各治以罪此實犯死罪如盜或偽造符驗或因嚇騙毆故殺死之類

此條小註內如盜或偽造符驗或因嚇騙毆故殺死之類等語應移入除官犯死罪

下謹將移改例註開列於後

修改

一凡詐冒內官親屬家人等項名色恐嚇官司誑騙財物者除實犯死罪如盜或偽造符驗或因嚇騙毆故殺死之外其餘枷號一個月發邊衛充軍所在官司畏徇故縱不行擒拏者各治以罪

原例

一凡詐充各衙門人役假以差遣體訪事情緝捕盜賊為由占宿公館妄拏平人嚇取財物

擾害軍民者除實犯死罪

或假差遣有偽造印信批文或以捕

盜搶檢傷人或嚇騙忿爭毆故殺人之類

外徒罪以上枷號一個

月發近邊充軍杖罪以下亦枷號一個月發

落所在官司阿從故縱者各治以罪

一棍徒假冒差役名色搜查客船俱照詐充各

衙門人役假以差遣體訪事情妄拿平人嚇

取財物擾害軍民例治罪犯該徒犯以上者

枷號一個月發近邊充軍杖罪以下枷號一

個月發落其有強劫拒捕并贓至滿貫各照

本律從重論

臣等謹按此二條皆係假冒差役擾害軍

民分別治罪之例查後條雖係專指冒差

搜查客船而設但仍照前條治罪止應將

搜查客船四字增入前條妄拿平人之下

即可引用毋庸分別至其例末所云其有

強劫拒捕并贓至滿貫各照本律從重論

等語查強劫一層前例已有除實犯死罪

外之文可以賅括拒捕一層自有罪人拒

捕本律可以援引又恐嚇取財律係計賊
准竊盜論卽至滿貫准罪止於滿流別無
從重治罪之條反與本例徒罪以上卽應
擬軍之文自相矛盾應悉行刪去以省繁
複今將刪併例文開列於後

修改

一凡詐充各衙門差役假以差遣體訪事情緝
捕盜賊爲由占宿公館妄拿平人及搜查客
船嚇取財物擾害軍民者除實犯死罪或假差遣

有偽造印信批文或以捕盜搶檢傷人或嚇騙忿爭毆故殺人之類外徒罪以
上枷號一個月發近邊充軍杖罪以下亦枷
號一箇月發落所在官司阿從故縱者各治
以罪

詐稱內使等官

原例

一凡詐充各衙門差役假以差遣體訪事情緝捕盜賊爲由占宿公館妄拿平人及搜查客船嚇取財物擾害軍民者除實犯死罪或假差遣有偽造印信批文或以捕盜搶檢傷人或嚇騙忿爭毆殺人之類外徒罪以上枷號一箇月發近邊充軍杖罪以下亦枷號一箇月發落所在官司阿從故縱者各治以罪

臣等謹按此條係乾隆二十四年定例嗣於嘉慶五年據雲南巡撫初彭齡條奏假差嚇詐致斃人命未經明立科條易滋出入並請嗣後假差嚇取財物無論贓數多寡曾否致斃人命悉照差役一律問擬其未經致斃人命分別徒罪上下原例應請刪除摺內經臣部議稱無業遊民冒差嚇詐雖與在官人役知法故犯者有間然既經逞兇逼斃人命情法均難寬縱是以向

來遇有假差索詐致斃人命案件俱比照竄役詐贓斃命一例擬絞但例無明文與其輾轉比附不如明立科條得有遵守應如該撫所奏於例內添纂假差嚇詐致斃人命如被詐之人因而自盡者照衙役例擬絞監候若拷打致死者擬斬監候至未經致斃人命之案情節輕重不一若如該撫所奏悉照差役一例問擬將原例刪除未免漫無區別應請嗣後假差未經斃命

之案如有捏造簽票執持鎖鍊恐嚇詐財者卽照蠹役詐贓一例問擬其未捏有簽票止係口稱奉差嚇唬者仍照原例辦理等因具奏奉

旨依議欽此欽遵在案此條原例應行修改又查原例小註內稱或假差遣有偽造印信批文或以捕盜搶檢傷人或嚇騙忿爭毆故殺人三項俱係實犯死罪應將小註刪除將此三項添敘例內以便引用合併聲明

謹將修改例文開列於後

修改

一凡詐充各衙門差役假以差遣體訪事情緝捕盜賊爲由占宿公館妄拿平人及搜查客船嚇取財物擾害軍民審係捏造簽票執持鎖鍊恐嚇詐財者卽照蠹役詐贓一例問擬其未捏有簽票止係口稱奉差嚇唬者徒罪以上枷號一箇月發近邊充軍杖罪以下亦枷號一箇月發落若計贓逾貫及雖未逾貫

而被詐之人因而自盡者均擬絞監候拷打致死者擬斬監候爲從各減一等如假差遣有偽造印信批文或以捕盜搶檢傷人或嚇騙忿爭毆故殺人按律應擬死罪者仍各從其重者論所在官司阿從故縱者各治以罪

臣等又按此條係嘉慶五年

臣

部核覆雲

南巡撫初彭齡條奏假差嚇詐分別治罪摺內奏准修輯原例內載詐充各衙門差役假以差遣體訪事情緝捕盜賊爲由占

宿公館妄挐平人及搜查客船嚇取財物擾害軍民者徒罪以上枷號一個月發近邊充軍杖罪以下亦枷號一個月發落是舊例無論有無簽票一經犯至徒罪卽應擬軍新例內捏造簽票照蠹役詐贓問擬係屬從嚴之意蓋蠹役詐贓一兩至五兩滿杖加枷六兩至十兩滿徒十兩以上卽應充軍非若僅止口稱奉差計贓准竊盜論者可比是情有輕重故罪分差等此係

指計贓科斷者而言若捏造簽票內有描摸印信得贓在一兩上下者計其描摸所得之贓已罪應擬徒自應仍照徒罪以上擬軍之例問擬惟例內徒罪以上擬軍之文載在未捏簽票節內各省每多誤會將捏造簽票犯該徒罪以上之案僅止計贓科斷以致與未捏簽票者輕重轉致倒置屢經_臣部隨案更正與其逐案改駁莫若將例文修改明晰_臣等公同酌議應請嗣

後詐充衙門差役假以差遣體訪事情緝捕盜賊爲由占宿公館妄挈平人及搜查客船嚇取財物擾害良民犯該徒罪以上者無論有無簽票枷號一個月發近邊充軍若審係捏造簽票執持鎖鍊所犯本罪不至於擬徒但經恐嚇詐財者卽照蠹役詐贓一例問擬仍各加枷號一個月未捏有簽票止係口稱奉差嚇唬者杖罪以下亦枷號一箇月發落謹將修改例文開列

於後

修改

一凡詐充各衙門差役假以差遣體訪事情緝捕盜賊爲由占宿公館妄拿平人及搜查客船嚇取財物擾害軍民犯該徒罪以上者無論有無簽票枷號一箇月發近邊充軍若審係捏造簽票執持鎖鍊所犯本罪未至擬徒但經恐嚇詐財者卽照蠹役詐贓一例問擬仍各加枷號一箇月未捏有簽票止係口稱

奉差嚇唬者杖罪以下亦枷號一箇月發落若計贓逾貫及雖未逾貫而被詐之人因而自盡者均擬絞監候拷打致死者擬斬監候爲從各減一等如假差遣有偽造印信批文或以捕盜搶檢傷人或嚇騙忿爭毆故殺人按律應擬死罪者仍各從其重者論所在官司阿從故縱者各治以罪

臣等又按嘉慶十七年八月內 部議覆調任陝西巡撫董教增題王眞得等假差

嚇詐毆傷劉義和身死一案內稱查假差嚇詐擾害閭閻情殊可惡歷來遇有被詐之人自盡及拷打致死之案均分別斬絞辦埋如被詐之人毆死假差嚇詐之犯卽以擅殺罪人科斷洵屬平允惟因嚇詐互相爭鬪毆死被詐之人向因例內有嚇騙忿爭毆故殺人律應死罪各從其重之文仍照凡鬪問擬查忿爭與拷打殊科毆死較自盡爲重若仍以凡鬪論絞旣與死由

自盡者無所區別且核之被詐之人毆死假差律以擅殺者一事兩歧殊非戢暴持平之道議請嗣後假差嚇詐忿爭毆故殺被詐之人照罪人殺所捕人律擬斬監候被詐之人毆死假差者照擅殺罪人律擬絞監候等因奏准嗣據雲南巡撫孫玉庭咨稱假差致斃人命案內鄰佑旁人或係被詐之人糾往或係旁觀不平毆故殺假差或假差毆故殺鄰佑旁人應作何治罪

之處咨部示覆經部查假差嚇詐罪人非姦盜兩項可比鄰佑有守望相助之責故專隸盜賊一門而捉姦與捕盜相等故凡聽糾同往者亦得與事主並論此外不得濫引是以毆死兇惡棍徒一項不得將聽糾同往之人與身受擾害者視同一例此項假差嚇詐案內之鄰佑旁人並非身受其害自未便以聽糾同往卽與被詐之人一例同科至旁觀不平者無論何項罪

人總不在應捕之列若彼比有犯應仍各按謀故鬪殺本律科斷等因咨覆通行各在案應於例內修纂明晰以便引用謹將修改例文開列於後

修改

一凡詐充各衙門差役假以差遣體訪事情緝捕盜賊爲由占宿公館妄拿平人及搜查客船嚇取財物擾害軍民犯該徒罪以上者無論有無發票枷號一箇月發近邊充軍若審

係捏造簽票執持鎖鍊所犯本罪未至擬徒
但經恐嚇詐財者卽照蠹役詐贓一例問擬
仍各加枷號一箇月未捏有簽票止係口稱
奉差嚇唬者杖罪以下亦枷號一箇月發落
若計贓逾貫及雖未逾貫而被詐之人因而
自盡者均擬絞監候拷打致死及嚇詐忿爭
毆故殺被詐之人者均照罪人殺所捕人律
擬斬監候爲從各減一等如假差遣有偽造
印信批文或以捕盜搶檢傷人按律應擬死
罪者仍各從其重者論所在官司阿從故縱
者各治以罪若被詐之人毆死假差者照擅
殺罪人律擬絞監候至非被詐之人有與假
差謀故鬪殺者仍各按本律科斷

原律

近侍詐稱私行官實而事詐

凡近侍之人在外詐稱私行體察事務煽惑人

民者斬監候謂如給事中尙寶等官奉御內使鑾儀司官校之類此詐稱係本官

自詐稱非他人

原擬近侍之人難以指定名色應將小註

內給事中等官刪去

臣等謹按此指以實官而行詐事者之罪

也近侍之人日近

卷之三 雍正三年

三
私行

君側詐稱私行體察事情則易於亂民惑眾故坐
斬以重懲之

原律

近侍詐稱私行事官實而詐

官實而事詐

凡近侍之人在外詐稱私行體察事務煽惑人

民者漸

監候此詐稱係本
官自詐稱非他人

原律

詐爲瑞應

凡詐爲瑞應者杖六十徒一年○若有災祥之類而欽天監官不以實對者加二等

臣等謹按此懲詐欺之罪以重休咎之徵也瑞爲景星慶雲之類與事相應曰瑞應前節言官吏誣民詐爲瑞應是欺罔也故杖六十徒一年後節言欽天監官遇有災祥之事宜吉凶無隱若不以實對有負職

守故罪加二等

原律

詐爲瑞應

凡詐爲瑞應者杖六十徒一年○若有災祥之類而欽天監官不以實對者加二等

原律

詐病死傷避事

凡官吏人等詐稱疾病臨事避難如難解之錢糧難捕之盜

贓之者笞四十如所避之事重者杖八十若犯

罪待對故自傷殘者杖一百詐死者杖一百

徒三年詐死以求免出官所避事重於杖一百

三者各從重論如侵盜錢糧仍論若無避情但

以恐嚇詐賴人致自傷殘者杖八十其受雇倩為人

傷殘者與犯人同罪因而致死者減闕殺罪

一等○若當該官司知而聽行謂知其詐病而准改差知其自殘避罪而准作殘與同罪不知者不坐疾知而詐死而准住提

臣等謹按此徵託故避事之罪也首節言官吏人等詐稱疾病以避難處之事者笞四十事情重者杖八十二節言犯罪待對故自傷殘膚體祈免訊鞫者杖一百詐言死亡不出官者杖一百徒三年所避事宜從重論若無避罪之情別因嚇詐圖賴等項故自傷殘者杖八十其受人雇倩而代

為之傷殘者與犯人同罪因傷殘而其人致死者在其人自有取死之道而此受雇倩之人不得免致死人之罪故減鬪殺一等末節總承上兩項言當該官司知而聽行者各與本犯同罪至死減一等

原律
詐病死傷避事

凡官吏人等詐稱疾病臨事避難

如難解之錢糧難捕之盜

賊之類

者笞四十

如所避之事重者

杖八十○若犯

罪待對故自傷殘者杖一百詐死者杖一百

徒三年

傷殘以求免出官詐死以求免出官

所避事重

於杖一百及徒

三者各從重論

如侵盜錢糧仍從侵盜重者論

若無避情但

以恐嚇詐賴人

故自傷殘者杖八十其受雇倩為人

傷殘者與犯人同罪因而致死者減闕殺罪

一等○若當該官司知而聽行謂知其詐病而准改差知其自殘避罪而准作殘疾知其詐死而准住提與同罪不知者不坐

條例

一各省獲罪之犯報稱病故者著該管官員出具印結并行文原籍地方官稽查倘有詐稱病故者分別從重治罪

一凡未經到案之犯報稱病故該撫嚴飭地方官悉心確查取具印甘各結報部倘有捏報等情日後發覺定將該地方官與該撫一併

嚴加議處

修改

一凡未經到案之犯報稱病故該撫嚴飭地方官悉心確查取具甘結報部倘有捏報等情日後發覺將該地方官與該撫一併嚴加議處

臣等謹按此條原例內該撫嚴飭地方官悉心確查取具之下載有印甘各結字樣嗣於乾隆三十一年十二月內吏部議覆

河南巡撫阿思哈條奏一切案件如於文
外復取印結者准其停取謹將印甘各結
一句改爲甘結二字擬合聲明

原律

詐教誘人犯法

凡諸人設計用言教誘人犯法及和同共事故誘令

人犯法却自行捕告或令人捕告欲求賞給

或欲陷害人得罪者皆與犯法之人同罪止

杖流和同令人犯法看令字還是教誘人而
又和同犯法也若自和同犯法則宜用自首
律

臣等謹按此專言詐誘人之罪以懲姦險
也前言設計用言誘人犯法次言和同共

事故誘人犯法又暗自捕告或令人捕告
求賞末言欲陷人得罪以快私忿是人之
犯法皆由教誘之人所致故與犯法人同
罪但至死減一等不得引自首及代首免
罪之律

原律

詐教誘人犯法

凡諸人設計用言教誘人犯法及和同其事合

人犯法却自行捕告或令人捕告欲求賞給

或欲陷害人得罪者皆與犯法之人同罪止

杖流相同令人犯法看令字還是教誘人而
又和同犯法也若止和同犯法則宜用自首
律

條例

一雍正五年十一月內奉

止諭向來外間常有演習拳棒武藝之人自號教師
召誘徒眾甚有害於民生風俗此等多係游手好
閒不務本業之流誘惑愚民而强悍少年投之學
習廢弛營生之道羣居終日尙氣角勝以致賭博
酗酒鬪狠打降之類往往由此而起甚且有以行
教爲名窺探村莊人家之虛實因而勾引劫盜竊
賊擾累地方者況拳棒之技藝國家無用若言愚
民學習可以防身禦侮不知學習拳棒者能幾人
天下人民未有盡習拳棒之理果使人人謹遵國

法爲善良尙廉恥則盜賊之風盡息而鬪訟之累
自消又何須拳棒以爲防乎若使實有膂力勇健
過人者何不習學弓馬或就武科考試或投營伍
食糧爲國家効力以圖榮身上進詎美不平豈可
私行教習作爲無用誘惑小民以爲人心風俗之
害甚屬無益著各省督撫轉飭地方官將拳棒一
事嚴行禁止如有仍前敢於自號教師以演弄拳
棒教人及投師學習者卽行拿究庶游手浮蕩之
徒知有儆懼好勇鬪狠之習不致漸染而民俗可

大清律例
歸於謹厚矣特諭

臣等謹按此條係欽奉

上諭今恭纂爲例以便引用查雍正十二年刑部
覆准御史吳元安條奏演弄拳棒本犯及
地保人等均有治罪之條地方文武各官
亦定有失察處分俱應增入謹將增併例
文開列於後

一游手好閒不務本業之流自號教師演弄拳
棒教人及投師學習并輪叉舞棍遍遊街市

射利惑民者並嚴行禁止如有不遵一經拿
獲將本犯照違

制律治罪仍枷號一箇月拿獲之衙門卽行發落遞
回原籍如坊店寺院容留不報地保人等不
行查拏均照不應重律杖八十地方文武各
官失於覺察照例議處

續纂

一苗猺獠獐所住地方如有外來匪徒教誘犯
法卽視所犯之人如罪應擬杖者將教誘之

人加一等治罪徒罪以上教誘之人比照住居苗寨教誘爲亂例問發邊遠充軍犯該死罪者教誘之人與本犯一例擬以斬絞遇赦不宥失察之地方官照徇庇例議處隱諱故縱者

照溺職例革職

等謹按此條係乾隆二十五年九月內臣部議覆原任廣西按察使申夢璽條奏定例應纂輯以便遵行

續纂

一凡土官延幕必將所延之姓名年籍通知專轄州縣確加查驗人果端謹實非流棍加結通報方准延入若知係犯罪之人私聘入幕並延請後縱令犯法者照職官窩匿罪人例革職如有私聘私就者卽令專轄州縣嚴加驅逐若土幕教誘犯法卽視其所犯之輕重俱照匪徒教誘犯法加等例治罪敗露潛逃卽行指拏重懲私聘之文武土官及失察之該管州縣交部分別議處

臣等謹按此條係乾隆三十年十二月廣西布政使淑寶條奏定例應纂輯遵行

續纂

一凡地方官有被參降革治罪之案嚴究幕友長隨書役等除犯詐贓誣挈等項罪有正條者仍照例辦理外其但係倚官滋事慫恿妄爲累及本官者各按本官降革處分上加一等如本官應降一級者將該犯杖七十降二級三級者以次遞加至革職者杖六十徒一

年本官罪應擬徒者亦各以次遞加一等加至徒三年而止至總徒准徒軍流以上者均與同罪徒罪以下將該犯遞回各原籍分別充徒管束永遠不准復充如有犯罪之後仍潛身該地欺瞞後任改易姓名復充者察實嚴加治罪

臣等謹按乾隆五十五年三月內閩省嘉義縣知縣唐時勲聽從幕友潘鴻緒將械鬪頂兇重案改作鬪毆具報欽奉

諭旨嗣後各省劣幕有似此主使作弊致本官犯罪者俱著與本官同罪不得稍從寬減著爲令

欽此又五十七年七月內山東巡撫覺羅吉慶奏泰博山縣知縣武億任聽衙役妄拿平民濫行重責拖累無辜一摺欽奉

諭旨令臣等將書吏等藉勢妄爲累及平民致本官降革者酌議治罪經臣部議請嗣後凡地方官有應叅降革治罪之案該督撫先飭該管各上司嚴究幕友長隨書役等如

有慫恿愚弄情事先行拘拏看守毋使逃

匿除舞弊詐贓及捕役借端誣拏平民並

奉差緝賊濫拿充數等項罪有正條者俱

照例辦理外其審無前項情弊但有倚官

滋事慫令妄爲累及本官者各按本官降

革處分上加一等本官降一級將該犯杖

七十降二級者杖八十降三級者杖九十

降四級者杖一百至革職者卽擬杖六十

徒一年如本官罪止擬徒亦各於本官罪

上冊一等治罪籍隸本地者卽交本地方
官係外籍者遞回原籍均嚴加管束永遠
不許復充其本官罪至軍流外遣者仍遵

照前奉

諭旨與本官同罪不得稍從寬減如罪犯杖徒之
後仍潛身該地欺瞞後任改易姓名復充
者今該督撫詳加查察一經得實卽嚴叅
治罪等因奉

旨依議欽遵各在案應纂輯遵行

詐教誘人犯法

原例

一游手好閒不務本業之流自號教師演弄拳
棒教人及投師學習并輪叉舞棍遍遊街市
射利惑民者並嚴行禁止如有不遵一經拿
獲將本犯照違

制律治罪仍枷號一箇月拿獲之衙門卽行發落遞
回原籍如坊店寺院容留不報地保人等不
行查拏均照不應重律杖八十地方文武各

官失於覺察照例議處

臣等謹按嘉慶十八年十二月內臣部議奏傳習白陽等教分別治罪條例一摺內稱查定例自號教師演弄拳棒教人及投師學習並輪叉舞棍遍遊街市射利惑民者照違

制律杖一百枷號一箇月伏思此等不務本業之流均爲風俗民生之害自當嚴加懲創俾知歛戢議請嗣後此等人犯俱改擬杖一

百流三千里若訊明舊日曾學拳棒迫奉禁以後並未輾轉教人亦不遊街射利者方予免議等因奏准通行在案再查自號教師自應擬以杖流若僅止隨同學習應量減一等杖一百徒三年以昭平允應於例內一併修輯以便引用謹將修改例文開列於後

修改

一游手好閒不務本業之流自號教師演弄拳

精教人及投師學習並輪叉舞棍遍遊街市
射利惑民者嚴行禁止如有不遵一經拿獲
將本犯杖一百流三千里隨同學習者杖一
百徒三年限滿遞籍嚴加管束如坊店寺院
容畱不報地保人等不行查拏均照不應重
律杖八十地方文武各官失於覺察照例議
處若訊明舊日曾學拳棒迨奉禁以後並未
輾轉教人亦不遊街射利者免議